



Буттал аьпалун хас дурсса Спортрал фестивалъ

Цумадиял райондалийсса Агъвали шяраву лахъа-хъунсса даражалий хъунни Дагъусттаннал лайкъ хъусса учитель Айгунов Махаммад Ризауттиннул арнал аьпалун хас дурсса Спортрал фестивалъ.

7
лаж.



ЧРШ

№19
(2185)

19 МАЙ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкИсса 1917 ш.
Цунил итабакълан бивкИсса 1991ш.

Яттил ва цIурттал гъаннарал ккаккия

Майрал 16-ний Дагъусттан Республикалул ХIукуматрал Председатель Абдулмуслим Абдулмуслимов гуртту хъунни Аьрасатнал жинсирдал яттил ва цIурттал XXXIII ккаккия тIитIаврий. Ккаккия тIиртIунни Каспийск шагърулий Анжи-Ареналул майданнив.



Ва гьарта-гьарзасса мероприятиялий гуртту шаву мурадрай республикалийн дучIан дурну дия Аьрасатнал 26 региондалийсса, ятту ва цIуртти ябуллай, хъхьичIунну зузисса 90 хозяйство. Ккаккиялий гуртту хъунни мукума Мангъулнава, Азирбижаннава ва Белоруссиянава хъамалгу.


ХIурмат лавайсса хъамаллуравух бия АьФ-лул шяраваллил хозяйствалул министрнал хъиривчу Андрей Разин, Овцеводтурал национал союзрал президент, Аьрасатнал Элмурдал академиялул академик Харон Амерханов, Аьрасатнал Элмурдал академиялул вице-президент, академик Петр Чекарев ва цаймигу.

Мероприятие дайди хъунни концерт ккаккан даврия. Республикалул премьер-министрнал дурккунни Дагъусттаннал БакIчи Сергей Меликовлул аьлссаламрал адрес.

«ДакIнийхтуну аьлссалам буллай ура зухъ, Аьрасатнал Федерациялул Советравасса, шяраваллил хозяйствалул министрствалиясса ва влаьтерал цаймигу органнава хъамаллурахъ, ва мукума билаятрал чIявусса регионнаясса делегациярттахъ жула мероприятиялий!

→ Ахир 3 лаж.

БатIул хъунни жуятува лакрал ва Дагъусттаннал ххаллилсса арс Сиражуттин Илиясов!



2 лаж.

Дагъусттаннал делегация гуртту хъанай бур «Аьрасат – исламрал дунья: Казанфорум» тIисса Дуньялул халкъуннал экономикалул форумрай.

ХI.АЬДИЛОВ

Форум наниссар майрал 18-19-ний Татарстаннай.

Делегациялул каялувчину ур Республикалул БакIчи Сергей Меликов. Форумрай кумаг хъунтIий бур Аьрасатнал ва Исламрал уртакъшиврул сакиншиндарал билаятирттал дянив цIакъ дуван машлул ва экономикалул, элмулул ва техникалул, социал ва культуралул чулухасса дахIавуртту. Му хъунмасса ишираву хъунтIий дур 200-нича лирчусса мероприятияртту, гуртту хъунтIий ур сайки 15 азара инсан Аьрасатнавату ва дуньялул бусурманнал билаятирттагъсса.

Сергей Меликовлул влаьтерал

Дуньялул халкъуннал экономикалул форумрай



органнал каялувчитурашалсса батIаврий бусунни региондалун

яла мюнпатми ххуллурдая, минувух исламрал банкинг, «Север-Юг» транспортрал коридор лядуккан даву ва инвестицияртту дучIан даву.

Дагъусттаннал вакилтал гуртту хъунтIий бур логистикалул сервису ххал дигъаврил, инвестициярттал политикалул цIусса инструментирттал, Аьрасатнал регионнал территорияртту лядуккан даврил, Аьрасатнал АПК-лул экспорт лядуккан даврил, туризмалул ва цаймигу масъалартту ххал бигъаврил мероприятиярттай.

Кказит буккайсса кьинигу форум най бур, мунияту, ванил хIасиллая жу бусанну хъиривмур номерданий.

Майрал 15-ний Дагъусттаннал БакIчи Сергей Меликовлул дунни агъамсса масъаларттал хIакъиравусса батIаву. Минувух ххал бивгъунни регионалий цапшара объектру баврил ва капитал ремонт даврил, мукума ятинсса оьрчI-бакI кьатрал дузал баврил хIакъиравусса масъалартту.

Ххал бивгъунни агъамсса масъалартту

Бюджетрал арцух строительствалул ва капитал ремонтрал давурттал хIакъираву махъ лавхъунни ДР-лул строительствалул, архитектуралул ва ЖКХ-лул министр Артур Сулаймановлул. Ванал тIимунийну, цIанасса ппурттуву буллай бур социал мягна дусса объектру.

нярда дурну бакIуйн дуккан дантIий бур идарартту 2024 шинал зий байбишин хIадур бансса куцуй.

Ялагу 29 школа ва 30 оьрчIал багъ, лицензияртталгу дузал буну, тIитIинтIий бур ялун нанимур шинал.

ЦИУЛЛУШИВУ
ДУРУЧЧАВУ

Республикалул инвестициялул программалуву ккаккан

→ Ахир 3 лаж.



ПаччахІлугърал наградартту

Майрал 16-нний боксрал Дунияллул чемпионтал Муслим ХІажимахІаммадов ва Шарабуттин Атаев бувкІунни Аьрасатнал жинсирдал яттил ва цурттал 23-мур ккаккиялийн (выставкалийн). Мероприятялийн спортсментал бувкІунни аэропорттрая вертолетрай Каспийскалийсса Анжи-Ареналийн.

ХІ. АБДИЛОВ

Чемпионтал стадиондалий хьунабакълай бия ккаккиялул гьуртгучитурал ва хьамаллурал. Шадлугърай барча буван миннайн овькунни хьунмур сахІналийн. Микку ДР-лул

ХІукуматрал председатель Аьбдулмуслим Аьбдулмуслимовлул миннан дулунни наградартту ва ДР-лул ХІукуматрал ХІурматрал грамотартту.

«Махьсса кІира шинал мутталый боксрал Дунияллул чемпионатрай рурцунни жула Ватанда-

лул – Аьрасатнал гимн. Му хьусар жула ватанлуvtурал гужсса хасиятрайн ва чувшиврийн бувну.

На Сергей Аьлимовичлулгу, ДР-лул ХІукуматрал ва Дагьусттаннал циняв халкьуннал цІаниятугу хІакьину барча улай ура жула кІиягу ххаллисса оьрчІ», – кунни премьернал.

ПаччахІлугърал наградарттар ххишала чемпионтуран ва миннал тренертуран премьернал буллуни жинсирдал куннигу.

Андриана АБДУЛЛАЕВА

Шиккун бувкІминнавах бия «Дагьусттан» МЦК-лул Медициналул зузалтрал ассоциациялул каялувчи, психологиялул элмурдал кандидат Гулизар Башанаева, Филатовлул цІанийсса 15-мур азарханалул реанимациялул отделениялул заведующий ХІусман ХІусманов, фельдшерлаборант Ххаджат ЦІаххаева, Аьрасатнал Федерациялул ПаччахІлугърал Думалул депутат Хизри Абакаровлул кумагчи, хьхьичІунсса инженер Рамазан Хайдаков, «Национальное объединение строителей» ассоциациялул канцеляриялул хьунмур Рамелла Хайдакова. Дагьусттаннал халкьуннал дукрардашал ва нахІу-нахІу дуса кьуртгаташал вай бивунни госпитальданул кІива корпусраву хьин хьанахьисса сайки 10 аьраличунахІан. Миннавах бур дагьусттан оьрчІру (рутул, лаз-

Жула вирттал

Аьралитурал буруган бувкІунни

Вай гьантрай Москвавилсса лакрал диаспоралул вакилтал БувкІунни Химкилийсса Вишневикийл цІанийсса госпитальданул 2-мур филиалданийн, хасьса аьралий операциялуву щавурду дирсса аьралитурал биян.



Хизри АьвдурахІмановлулшал

ги, кьумукь, табасаран), чачан, татар, оьрус. Хаснува ва госпитальданийн бучІан пикри хьуну бур, шикку чІявусса дагьусттан оьрчІру бур тІий бавну. Диаспоралул вакилтал хьунабавкьунни Дагьусттаннаясса 26 шинавусса Хизри АьвдурахІмановлулшал (Буйнаксккалай район), МухІаммад МахІаммадовлулшал, Наби Койчакаевлулшал, Тагьир ХІажибалаевлулшал (Дарбантулал район), Мейлан Каибовлулшал (Каспийск), Малик Исмаиловлулшал (Табасаранна район), Тюменнал областьраясса татар Фархад Карымовлулшал, мукунна ясирну агьну ивкІсса оьрус оьрчІашал. Аьралитурал бувсунни цала бакІрачІан бувкІмур. Вайнахь цІуллу-сагьшиврул тагьардания, кумаг

аьркин багьлагьисса масьаларта цІухху-бусу бунни. Ихтилатру хьунни бюхансса, иттав макь дукІлакІисса. Иш багьний овьчин диаспоралул вакилтурал аьралитурал хьун буллуни цала телефоннал номерду.

Аьралитал барчаллагърай бия цахара дурсса аякьалухлу.

ДакІнийн бутан, Дагьусттаннал диаспоралул вакилтал цалчин бакъар хасьса операциялуву щавурду дирминначІан бивсса. Ларгсса шиналгу Гулизар Башанаева бакІчисса хІакинтурал группа бувкІисса Вишневикийл цІанийсса госпитальданийсса аьралитурал биян.

Укунсса хьунабакъавурттал аьралитурал дакІ дувай, ватанлуvtал бучІаврия, миннал цивпа дакІнийн багьаврия вай ххари шай.

Зулайхат ТАХАКЪАЕВА

Майрал 9-нний «Твой Герой всегда с тобой!» тІисса цІанилу Ставрополлал крайрай ларайсса сакиншиндарай хьунни Виричунан хас дурсса автопробег.

Ставрополлал ххуллурдайх автопробег дирунни крайрал хьуншагърулийн: гьамин, шикку буссар НурмахІаммад ХІажимахІаммадов кьуллугъ булай ивкІсса Аьрасатнал ВДВ-лул 247-мур гвардейский десантноштурмовой Кавказский казачий полк.

Автопробеграл сиптачитал ва сакиншинначитал хьуну бур Ставрополь шагърулул администрация, Ставрополлал ватан ххирминнал жяматийсса «Знамя Победы» тІисса суккушинна, Дагьусттаннал халкьуннал жагьилтурал М.ХІажимахІаммадовлул цІанийсса ккурандалул Ставрополлал шагърулул совет ва цаймигу аьралий-патриот змунусса ккуранну.

Майттуршунни ливчусса куклу машинартту гьурттусса акция сакин даврийну крайрал агьалинан цал уттигу дакІнийн бутунни казачий полкрал десантниктал, цІанихсса талатавил аьдатру дурчлай, гьуртту хьанай бушиву Украиннал аьршарай нанисса хасьса аьралий операциялий, аьмсса виричущивуртту ккаккан дуллау. Гвардиялул хьунама лейтенант, роталул командир НурмахІаммад ХІажимахІаммадов хасьса аьралий операция байбивхьусса гьантрайва гьужумрай нанисса десантрал бригадалулух мурад биттур бансса амрулий увтун ивкІун ур душманнал кьинт-

Виричу мудан жушчала уссар

Ххувшаврил кьинилун хас дурсса мероприятиярттаву хьхьичІххуттай ХІажицІ лаглай бур Аьрасатнал Виричу НурмахІаммад ХІажимахІаммадовлул аьпалун хас дурсса мероприятиярттугу.



Виктор Демисев ва Энгельс ХІажимахІаммадов

туллухун. КІусса щавугу дирну, душмантурал вив лавсукун, цайва хІал буссаксса талайгу ивкІун, махъра-махъсса граната руртун, цува уган лагма рургьусса неонацистьтал цащала архІал пІякь чин бувну бур. Ва бюхттулсса виричущиврийну эбратну хьунни, цала каялувшиндаралуминнан акьсса, жуна цинявннангу.

Автопробеграй гьуртту хьуннахь барчаллагъгу увкуну, Виричунал буттал, Энгельс ХІажимахІаммадовлул, ккаккьазуллал хьамаличущиврул аьдтрайн бувну, хьиривмур кьини сакиншинначитурал овькунни МахІачкьалалив.

Ставрополлал ватан ххирминнал жяматийсса «Знамя По-

чулухасса Барчаллагърал чагъарду, хьамакьабитулунсса бахшишу.

«Знамя Победы» жяматийсса суккушинна Ставрополлай зий дур 2013 шинал январь зуру шийнай. Суккушиндарал агьамми мурадду, Демисевлул бусарийн бувну, хьанай бур хьиривнанисса ник ватан ххирану тарбия даву, жула ватандалул виричущиврул тарихраясса аьпа бурччаву, билаятрал тархьаншиврухлу талай бивкІминнал бивкІу бакьсса виричущиврул ХІурмат бурччаву.

– Суккушиндарал хьунмур мурадну тІурча, жу ккаклай буру халкь цачІун баву, – увкунни Виктор Демисевлул. – Цанчирча циняв миллатру (таджик, туркман, уйгур, чачан, дагьусттан) архІал, миллатрах кьабурувгун, талай

бивкІссар Ххувшаврил цІаний.

Жул ккурандалул давурттал ца хьуннасса хьар ларсун най уссар Дагьусттаннал халкьуннал лайкьсса арс, генерал-майор Муслим Даххаев. Попечительский советрал хьунама, ФСБ-лул генерал-лейтенант, Аьрасатнал Виричу Олег Дукановлулшал архІал ва чялихсса гьурттушинна дуллау уссар жул суккушиндарал оьрмулуву.

Энгельс ХІажимахІаммадовлулгу жавабран хьамаличунайн лавххунни игитнал кьуттакьапа ва варси.

– Хьунмасса барчаллагъ автопробег сакин дурминнан, ттул арснал аьпа бурччлай бушиврухлу. На мудангу хІадурссара укунсса, патриот журулул, акциярал чІарав ацІан. НурмахІаммад усси тяхьасса, оьрму ххирасса, спортраву итхьявхьсса жагьил. Ганан ххирая цала даву, чичайва шеьриду. Хасьса аьралий операция байбишин хьхьичІгьантрай гьаз хьуна Европанаву ца яла бюхттулмур зунттун ккаллисса Эльбурсрал бакІрайн. Ганал чІявусса мурадду ливчІунни дуррайн кьабувкунма. Амма ганал язи бувгьунни цала ххуллу. Га хияллау икІайва десантник хьун, – увкунни Виричунал буттал.

Энгельс ХІажимахІаммадов, полициялул полковник, зий ивкІссар Чачаннал, Кьабардин-Балкьарнал, Ингушналул МВД-лий. Кьуртал бувссар Аьрасатнал МВД-лул Академия ва Аьрасатнал ПрезидентначІасса паччахІлугърал кьуллугърал академия. Лайкь хьуссар шанна Чувшиврул ордендалун, «За отвагу» медальданун ва чІярусса цаймигу паччахІлугърал наградарттан, миннувах бур цІа чирчусса ттупанг.



беды» тІисса суккушиндарал хьунама Виктор Демисевлул, Энгельс ХІажимахІаммадовлул ва ванал арсна хьинсса махъру-

гу увкуну, дуллуни буттахьхун НурмахІаммадовлул затру, ккурандалул ва Ставрополлал крайрайсса Дагьусттаннал вакилханалул

Юбилейран хасну

Цанихсса жамичинан лайкьсса награда

Ва кьини Оьмар барча ан бувкIун бия АьФ-лул Конституцион судрал судья ХIадис ХIажиев, «Лезгинка» ансамбльданул генеральный директор Жамбулат МахIаммадов, Лакрал райондалул бакIчи Юсуп МахIаммадов, Шуссалакрал райондалул бакIчи Сулайман Рамазанов, МахIачкьалалал Советский райондалул депутатIтурал мажлисрал председателна хьиривчу Магьди Айналов, захIматрал ветеран Сулайман Хаппалаев, ЧIарусса шиннардий судияну зий бивкIсса Оьмардул ссурахьу Кьайсар Оьмарова, дустал, гьан-маччами.

Мажлис бачин бувну ия «Дагестан» ГТРК-лул хьунаманал хьиривчу Ссалам Хавчаев.

– Совет заманнайссагу, муния шийнмайссагу Оьмар МахIаммадовичлул биография авадансса ва эбратрансса бур. Ванал оьрмулул ва захIматрал ххуллул хIисав-сан дуллан бивкIукун, кIива оьрму бутсса хханссар. Дуниялул хьхьирдал ва океаннал лагма увксса, Ухсавнил полюсрайн иянин лавгсса, бусалдаравун агьсса инсан жушала хьунаакьин учIаву, хьуннасса агьмшиву дусса, дакIний личIансса ишри. Цувагу, цIанасса чIумал Босфордал зуманив яхьанай унугу, Ватандалиягу, миллатрагу арх увцун акьассар, – увкунни Ссалам Хавчаевлул, мажлис тIитIлай.

Хьирив цала оьрмулия бусласисса ихтилат бунни Оьмардул.

– Цалчин, барчаллаь учин ччай ура ттушала хьунабакьин, нава лахьа-хьун ан шиккун бавтIсса циньяннахь. Ттул оьрмулул чIарусса хьунабакьавуртту хьуссар, амма ва кунна нава ххари хьунсса цамур кьархьунни. Ттула оьрмулий на икьавсса кIану бакьассар. Зий ивкIссара Москвалив, Мурманскалий, Монреалай, 30-хьайсса шинну хьуну дур Турциянаву. Ттул захIматрал биография байбивхьуссар оьрмулул 10 шинаву. Цу вих хьунсар 10 шинавусса оьрчал шаллусса кулпат ябуллай бивкIссар тIий. Чани бакьасса бутташал архсса зунтIава, ТIюхчардал шярава, ххюва гьантлий бахьтIа най, бувкIсару жу Гьанжилив. Ттул ппу МахIамма Граждан дьявилул иширттаву итгав шама бивчуну, мурчIи хьуну ия. Дурккусса акьанугу, гьунар бусса, итхьявхьсса адамина икIайва. Кьянатсса зунтIал кIанай яхьун захIмат хьанай, ванан пикри хьуну бур маэшатрал хьирив Днявмур Азиянавун гьан. Ппу жагьилний Узбакстаннай зий ивкIун, тихалу ххуйну кIулну бия. Ва аьрхилия байбивхьуссар ттул «дуниялулунсса» ххулугу, – тIий, буссунни Оьмардул.

Увну ур Оьмар 1933 шинал Лакрал райондалийсса ТIюхчардал шяраву. 1943 шинал вайннал кулпат бивзун бур Туркманнавун, Чарджо шагьрулия арх дакьасса Комсомольск поселокрайн. Кулпатраву бивкIун бур арулва оьрчI. Вай бакI буккан бан чани бакьасса буттан захIмат хьанай буну, чIивисса Оьмардул багьну бур ва гьиву цайнна ласун. КIюрххия хьхьувайнин, дуссукуьатлуву мухал давуртту дуллай, зий икIайсса ивкIун ур. Игьалагансса мутта Оьмардухьхьун биривагу кьабирийсса бивкIун бур. Бигьалагай кьинирдайгу, луххал-ххиттул бувцусса ххулурдайх кишлакир-



Расул ХIамзатовлул цIанийсса Национал библиотекалул лахьа-хьун унни, дуниялул хьхьирдал лагма увксса, цIанихьсса жамичи, ТIюхчардал шяравасса Абасов Оьмар МахIаммадул арс. Вай гьантрай ванан оьрмулул 90 шин бартларгунни. ЮбилейрацIун бавхIуну, Дагьустаннал БакIчи Сергей Меликовлул дуллуни Оьмардул АхIмад-Хан Султанлул цIанийсса медаль.



дайх кьалайчишиву дуллай лагайсса ивкIун ур.

Оьмардул захIматрал книжкалийсса чичрурдугу дайдирихьуну дур оьрмулул 10 шинаву. Мукун зий ивкIун тIий, дьави кьуртал хьуну махь « Буттал КIанттул цIанийсса Хьуннасса дьявиллий бувсса захIматрачулу » тIисса медальгу дуллу дур ванан. ЛичIлулсса, затрал хIисав ласун кIулсса Оьмардул ччяни лавхьхьуну бур патипонну, янна дуруххай машинартту, ласапIитру дакьин дуллан. Цуварив мудар хияллай икIайсса ивкIун ур дуклан, кIулшиву ласун. Амма зисса оьрчал школалийн занансса чIун кьадиркIун дур. Ванал дуккин аьркиншиврия гьалгьа тIиссагу цуцIав кьайвкIун ур.

ТалихIиннаран, чIаххуврай ялапар хьанахьисса прокурорнал бувчIин бувну бур ванал буттан, оьрчI дуккин ан аьркиншиву. Мукун бухурча, дачIи кьини зузуча, дачIи кьини школалийн заназуча куну, рязи хьуну ур ппу. Дарсру лахьлансса шартIу дакьашиврух кьаурувгун, дуккаврих гьира бусса

пион хьуну ур.

Ца ппурттуву, муххал давурттаягу бизар хьусса, дуклан ччисса оьрчан бакIрайн дагьну дур «Комсомольская правда» кказитрай Ленинградлул мореходный училищалулун кьамул буллайсса баян баву. Яла-яла баян бавриву ванан ххуй бивзун бур, тикку курсангьтал дукралул ва лаххиялул лашушалу буллантIишиву, ххишалдаран, стипендия ва общежитиягу бушиву. Хьиннува кIункIу увну ур ва хьхьирил капитаннал пишалул романтикалулгу. Амма Оьмар нигьавсун ивкIун ур буттал итакьаакьинссара тIий. Мияйжанугу, ппу рязи кьахьанай хьуннасса хIал хьуну бур. «Ци мореходкар му, цуппагу дуниялул зуманивсса, кулпат шил ябантIиссар?» – тIийгу ивкIун, арс лахIан ан кьахьуншиву бувчIукун, рязи хьуну ур ппу.

– Чув ухьурчангу, намусрай ттангьа хьун маикIара, лакрал ца кьюкьин данмур мабара, – куну, дьюгу дирхьуну дур.

1951 шинал Оьмар увххун ур Ленинградлул мореходный учи-

нияллия гьаннин, циняв арцугу Оьмардухьхьун дуллу дур.

1956 шинал хьхьичIунсса ХIасиллай Мореходный училищагу кьуртал бувну, Оьмар лавгун ур Мурманскалийсса Арктикалул пароходствалий зун. Мурманскалив ва «Зоя Космодемьянская» тIисса пароходрайн рядовойсса матросну гьан увну ур, хIатта архну хьхьирийх лагайсса штурманнал диплом канихь бунугу. Чирисса чIумул мутгалий бюхьу-бажар бусса Оьмардуша бювхьуну бур, циняв шачIанттугу лавхьун, капитаннал хьунама кумагчи хьун.

Зий унува, Оьмар дуклан увххун ур адмирал Макаровлул цIанийсса Высший инженерный морской училищалулун. Му кьуртал буллайсса чIумал экзаменнал комиссиялул бувсун бур Абасов куртIсса кIулшивуртту дусса пишакар ушиву. Училище кьуртал байхту, зун ивкIун ур дунияллий цалчинмурну хьусса «Ленин» тIисса атомрал ледоколданий капитаннал хьунама кумагчину. Ца шинава тIурча, га цува матросну зий ивкIсса «Зоя



лищалулун. Цала хиял бартлавгсса оьрчI училищалул гьирарай дуклай ивкIун ур. Каникулал чIумалгу, игьалаган кIанай, Оьмар машлул флотрал жамирдай хьхьирийх чил билятирттайн лагайсса ивкIун ур. Цалла ляркьмургу ванал, кIапIикI кIапIикрай дирхьуну, буттачан гьан дайсса диркIун дур. Арсна

«Космодемьянская» пароходрай хьхьирил архсса аьрхирдал капитанну ивтун ур. Зий хьуннасса хIал кьавхьуну, лайкь хьуну ур «За трудовое отличие» тIисса медальданун. Мунияр шихунай, архну хьхьирийх лагайсса хьунисса жамирдал капитанну цимилагу увккун ур дуниялул океаннал лагма. Лайкь хьун-



оьрчI школалий хьхьичIунну дуклай ивкIун ур. Дуклакисса шиннардий Оьмар, Днявмур Азиянал республикарттал Спартакиадалий гьуртту хьуну, штанга гьаз даврил чем-

арцу дуркIшиврийсса повестка ппу пахрулий ккаккан дуллан икIайсса ивкIун ур. Вай арцугу буттал, ца кьуруш харж кьадурну, книжкалий дихьлай ивкIун ур. Цува ду-

ну ур «СССР-данул Хьхьирил флотрал министрствалул хьхьичIунсса капитан» тIисса цIанин.

1979 шинава 1985 шинайн иянин





ИТНИ, 22 МАЙ
05.00 «Доброе утро».
09.00 Новости.
09.20 «АнтиФейк». (16+).

03.00 Новости.
03.05 «Подкаст.Лаб». (16+).
03.20 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.20 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.20 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.20 «Подкаст.Лаб». (16+).

02.10 «Подкаст.Лаб». (16+).
02.50 «Подкаст.Лаб». (16+).

05.20 «Подкаст.Лаб». (16+).
АЛХИАТ, 28 МАЙ
06.00 Новости.

РОССИЯ 1

ИТНИ, 22 МАЙ
05.00 «Утро России».
07.35-07.41 Вести-Дагестан
08.07-08.10 Вести-Дагестан

03.45 Вячеслав Разбегаев, Кирилл Плетнев, Наталия Быстрова, Анна Гарнова, Андрей Аряев и Дмитрий Ермак в телесериале «Пыльная работа».

03.45 Вячеслав Разбегаев, Кирилл Плетнев, Наталия Быстрова, Анна Гарнова, Андрей Аряев и Дмитрий Ермак в телесериале «Пыльная работа».

03.45 Вячеслав Разбегаев, Кирилл Плетнев, Наталия Быстрова, Анна Гарнова, Андрей Аряев и Дмитрий Ермак в телесериале «Пыльная работа».

03.45 Вячеслав Разбегаев, Кирилл Плетнев, Наталия Быстрова, Анна Гарнова, Андрей Аряев и Дмитрий Ермак в телесериале «Пыльная работа».

03.45 Вячеслав Разбегаев, Кирилл Плетнев, Наталия Быстрова, Анна Гарнова, Андрей Аряев и Дмитрий Ермак в телесериале «Пыльная работа».

04.10 Марина Коняшкина, Андрей Егоров, Иван Агапов, Максим Коновалов и Юлия Кудояр в фильме «Юне отгуская мер».

ИТНИ

05.05 «Входные на колесах» 67
16+
05.20 Х/ф «Учитель» 16+

05.10 «Время есть!» 0+
05.35 Х/ф «Далекая невеста» 16+

05.10 «Время есть!» 0+
05.35 Х/ф «Далекая невеста» 16+

05.10 «Время есть!» 0+
05.35 Х/ф «Далекая невеста» 16+

05.10 «Время есть!» 0+
05.35 Х/ф «Далекая невеста» 16+

05.10 «Время есть!» 0+
05.35 Х/ф «Далекая невеста» 16+

05.30 Дагестанское кино. Х/ф «Заглава кубачинского браслета» 16+

ИТНИ

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

04.55 Т/с «Москва. Центральный округ». (16+).

Кундив

Ххувшаврил кьини гьарцагу шинал лайкьсса даражалий хьунадакьайссар Кундиннал шярвугу. Хасну ваний гьуртту хьун шагьрулиягу бучайссар фронт-виктурал арсру-душру, вайнналми обрчру.

Ва кьини кюрххил тугъашал, тугтал кацурдишал школа-лул чулуха учительтурал ва ду-клаки обрчал кьукьа дарчуна Бутгал Клантул цанийсса Хьунмасса дьявильин лавгминнан дацдан дурсса



Кундив

Ххувшаврил кьинилийн

Ххувшаврил Кьинилул бусрав

Цуксса арх хъанай дурив жуяттура Бюхттулсса Ххувшаву ларьсса кьини, муксса лавай хъанай бур жучлава мунил кьадрукьимат. Хаснува цана, дьявилул цу жучланна лап гъанну лархьсса чумал, хьиннува бувчлай бур жула ттаттахьал, бавахьал цуксса хьунмасса багъа буллуну бивкссарив жулла ялвусса няксса ссавнихлу. Ххувшаву ларсун 78 шин хъанакьисса байран лахъа-хьунну кьичи ларгунни шалвагу билаятрал шагьрурдай ва шярваллаву, вайннавух Лакрал райондалийсса шархъавугу.



Ва кьини махъатунин чюхлай бия шярвух дьявилул шиннардий ва махъ чивчусса, цавугу ххисшала бакъа бюхханну дьявилья бусласисса, дьявилул чумалгу аьралитурал дакру дуллай бивксса ца дурксса балайрду.



Новостройрайсса шушими ва вайннал кьини хьун дуван бувксса кундими Шушияв

Ххувшаврил кьини, майрал 9-нний зунттавусса бутгал миналийн чара бакъа бияйссар кьанивсса, Цуссалакрал райондалийсса, Шушиннал шярвугу ялапар хъанакьисса агъали.

гъайкалданучан.

Шалвагу билаятрай кунма, дьявилул шавци кьабивсса кулпат ва шярвугу сайки кьавхьуну бур, хлатта ца-ца кулпатрава кьикья, шан-шама чувгума лавгун ур. Дьявильин лавгминнава кьачансса лайкь хьуну бур личи-личисса орденнан ва медаллан.

Ва кьинисса митинграй гьуртту хьусса арамутурал ва хъаннил, кьулбасругу дурну, Шярваллил жьамтийсса советрал цанийнссса, шярваллил клубгу, шиву хьхьичьа бивксса аьралий музейгу цу буккан баврил ялвусса тавакьюралшлсса, чагъар чивчуну бия.

Фронтвиктал дакнийн биччалисса ихтилатирттая махъ циньявпагу лагма лавгуна шярвачу Адильгерей Аьлиевул тивтгусса байрандалул ссупралух.

Шушияв

Зунттал шархъурду гужирай кьанив дзан дуллалисса архьсса 1944-ку шинал дацра дурксса Шушиннал шярвугу хлакьинусса кьини цавагу кьатта, шикку мина дирхьусса шярваллил цаягу инсан акьар.

Ва шярвава 1941-ку шинал, жулла ватандалийн душман ххьвхсса чумал, лавгун ур 27 инсан, вайнава зана хьуну ур анжагъ ца-кья, ятла-лар бакъа акъа хьуминнавух ттигу 7 инсан ккаллину ур. Вайннал аьлалун 2010-ку шинал шярвау дацдан дурну дур гъайкал. Муния шийнмай гьарца шинал, Ххувшаврил кьини, майрал 9-нний шиккун чара бакъа бияйссар кьанивсса, Цуссалакрал райондалийсса, Шу-



Юнус Жалиев арсурваврацал ва вайннал обрчлацал

шиннал шярвугу ялапар хъанакьисса агъали. Гъашинугу мукунма.

Ва ххуллухь бувкун бия Юнус Жалиев, Ибрагьим Буттаев, Сяид Омьмаров, Маммида Буттаев, Апанни Жалиев, Юнуслуларсеру Султан ва Хлажи, вайннал обрчру Адам, Хласан ва Юнус. Лаккуйин, зунттаву бивксса шушиннал чарав ва кьини чара бакъа буссар шикку ятту-гъаттараха зузисса Кундиясса Жабир ва Аьйшат Ясулбуттаевхьал кулпат. Мукунма, вайннахь баврув учин, вайннацал яши-хаш буван, шийн лахъайссар Кундиннал шярвава цаймигу инсантал.

– Жулла обрчругу, обрчал обрчругу, уссур-сугу бувцуну, ва кьини гьарца шинал жу чара бакъа буссару ший, Лаккуй. Хьунмасса барчаллагъ Кундиннал жьаматрангу, жу бувкнийгу, укунмагу мудан жул чарав бусса. Жул кьини хьун дуван гьарца шинал вайгу бучайссар жучлан, дакгру тиртгусса, хьинну ххуйсса инсантал бур. Шийн та бучларчангу, ттигу-шилагу жулла хурмат буллалисса Гулан-бавангу (Жабирдул нинур) хьунмасса барчаллагъри. Хьхьичьагу ванилгу, ванил ласнал, аьпа биву, Юсуп-татталгу жу хурматрай кьамулгу байссияв, лайкьну тйаьлагу буккайссияв, – буслай ур Юнус Жалиев.

Бадрижамал АьЛИЕВА



гъайкалданучан. Вайннацун шярваллил махлардая махьсса жьаматту бавтун, Ххувшаврил кьинилун хас дурсса митинг хьуна шикку.

Хьун дьявильин жанну дуллунминнахлу алхлалму бувккуну, гихунмай махъру лавхъуна шярваллил хьунисриннал ва жагьилминнал, шярваллил каялувшиндарал, Кундиннал дянивмур даражалул школалул вакилтурал. Ва кьини хьинсса мукьурттийну, бусраврай дакнийн бивчуну дьявильин лавгми. Хлакьинугу дьявилул майданнив талатисса ва шярвава жагьилтурангу, махьсса циньявпагу жулла аьралитурангу чла увкуна ххувшавришал ччясса муталий цалва-цалва кулпатирттавул цулулуну-сагъну занашаву, дунияллий ттулал чурду бухлагаву. Школалул директор Абакар Гуйдалаевул цалва мукъува кьичи лавгсса кушцуй, хлакьину вай жагьилттал талатиссар, тай архьсса 40-ку шиннардий жула ттаттахьал ккуччу дуллай, мархха-ххун кьадуларгун лирчун, цунуица чантг увкусса фашизмалущал, нацизмалущал, ванияр 80-лихъайсса шиннардий хьхьичи кунна, жулла паччахьлугърайнданди бавцуну буссар цимивагучил билаят.



Шахьував

Ва шярвава дьявильин лавгун ур 223 инсан, вайннавух 3 аьраличу ур, багъавай дунугу, личи-личисса багъана-сававрттайн бувну, Совет Союзрал Виричунал царду кьадулуну ливчисса. Чявур ларайсса аьралий шардан ва наградарттан лайкь хьумигу, хаснува офицертал. Омьмулул хьуниминнал ихтилатирттая махъ дуллаки обрчал дурккуна ватан ххирашиврун, Ххувшаврин, дакьаврин хас дурсса, га дьявилул шиннардий ва гания махъ совет шаэртурал чирчусса назмурду.

Шахьував

Хьун дакьасса Шахьуйннал шярвава дунияллул тарихраву ца яла обхлалмур, чявусса обтту эькибувтумур дьявильин лавгун ур 73 адамина. Вайннал аьпа учин, шярваллил арамутурал ва хъаннил дурсса аьралий ва захьматрал виричувшивуртту дакнийн дичин майрал 9-нний кьачансса инсантал бавтун бия Хьун дьявильин лавгминнан шярвугу дацдан дурсса

Фотосуратирттайнусса жула тарих

Ттул Ттюхчар



Цаххуй Маккаев,
Совет Союзрал Виричу



Минажат Омарова,
цалчинсса учитель



Рамазан Дадаев,
Бархъаллал школалул директорну, Ттюхчардал колхозрал председателъну ивкссар



Минкаилов Исмяил
Яттул майданни дучри ххяххан баврил бьаст-ччалливу ххув ххуссар. Сталиннул ссят бахшиш дурссар



Алиев Абдулгъани (урчлахъ цалчин)
Ттюхчарав, Лакрал райондалий цалчинма ветврач



Худайнатов Магъди



Омаров Абдулманап,
цалчин Ттуплисулал университет къртал бувсса



Айдаев Аслан, Хъун дъявилул гърттучи



Хлусниев Макъсуд кулпатрацал ва душницал



Идрисов Идрис, химиялул, биологиялул учитель



Абасов Махлмамд, капитан Омардул ппу (клясса гухъуву) ва Хлажиев Хлажи Узбаклану Кършиял райондалий колхозрал председателъну ивкссар



Хлажиев Ахлихан,
Хъун дъявилул гърттучи



Идрисов Рамазан,
Ттюхчардал колхозрал бухгалтер

Фотосуратирттайнусса жула тарих



Ахмадов Мяма,
Хавинахъал Саэдлул уртакъ,
1936-1937 шиннардий Ми-
нистртурал советрал отдел-
данул хъунаману ивкссар



Ибрагъимов Сагид,
Хъун дяввилул гъурттучи



Омаров Магъди,
коммунист партия сакин дан
Кубанавун най



Жабраилов Абдулхаликъ,
Хъун дяввилул гъурттучи



Штанга гъаз давил дунияллул чемпион Сагид Ибрагъимов,
Ильхам Аблиевлуцал

Алхулаева Валентина (дянив)



Цъанихсса жамичи Омар Абасов ва чъярусса шиннардий
судьяну зий бивксса Къайсар Омарова



Алхулаев Баттал



Хъун дяввилул гъурттучи Омаров Аъзиз
ва Тлюхчардал колхозрал председатель Омаров Магъди



Бурчакъов Бурчакъ ва Мусаев Махлмамд



Шапиев Зиявуттин,
Тлюхчардал фермалул
хъунаману ивкссар



Омаров Юсуп, лачлун буккав-
рил Олимпий тюркюрдал
призер, цимилагу дунияллул
ва Европанал чемпион



Буттаев Яхия,
Хъун дяввилул гъурттучи,
Тлюхчардал колхозрал пред-
седателъну ивкссар



Хасанов М-Султан,
Тлюхчардал школалул
директорну ивкссар



Хамзатов Хамзат,
Тлюхчардал колхозрал
бригадир



Хажиев Аъли,
Лаккуйсса Тлюхчардал кол-
хозрал председатель

Буттахъал аьдату

Хъурдаккаврил байран КӀундив

Майрал 8-ний КӀундиннал шярвалу ляличӀинура утта дурккун дия – ва кьини шикку дуллай бия Хъурдаккаврил байран. Гъашинусса Хъун хъузаланугу ия МахӀабуттал арс Гарайхан МахӀабуттаев.

Бадрижамал АБЛИЕВА

Махъсса шиннардий КӀундиннал шяраву ва байран дувай лакрал цайми шярваллауни-яр чӀалну – къурув уккан ччи-ма цалчинсса хъарасрах ялугъ-лан икӀайсса аьдатту дакъанав-хъур, вагу анжагъ шярваллил жямат цал ххишалану цачӀун батӀинсса, кувннан кув ккаккан-сса байран хӀисаврай шаллу дуллалисса аьдатту дунавхъур, гилатила бувкӀми, бяхълай, къарчӀ къабиклансса куцӀуу гъава гъили хъуннингу бавцӀуну.

Гарайхан цалва уттининсса шалва оьрмулий зий ур шяраву ятту-гъаттараха. КӀундив увну, буттал шяравува школагу къуртал бувну, аьралуннаву къулугъ буван лавгун, зана хъуну ур. Ятту-гъаттараха зий ванал амьну хъанай дур 45 шин. Цана Гарайхан ур СПК-лул гъаттарачӀа. Гъарца шинал Хъурдаккаврил байран дуллалиманал харж буван вайннува булайсар гъаттарал хӀайван.

Бувну кулпат, ванал ва Зурмуллул дянив хъуну бур мукъа арс ва ца душ, оьрчӀал оьрчӀру.

Цивпагу, оьрчӀругу, гъанмаччами, дултал ва шаллагу шярваллил жяматту, хъамалгу лагма лавгун дуллалисса ва



Хъун хъузала Гарайхан ва шярваллил хъунисри



Тимур Хъунбуттаев

валлил инсантуралгу. ЯлунчӀин хъарас шунсса Къуру лавсуна Хъунбуттаев Исламлул (цӀа дурксса тамада, ведущий Тимур Хъунбуттаевлул ппу).

Цалла дуллалисса даврил чӀарав бавцӀусса, ка-кумаг бувсса гъан-маччаминнахъ, шярваллил жяматрахъ дакӀнийхунусса барчаллагъ тӀий бур Гарайхан ва Зумрут.

Хъурдаккаврил байрандалийн архсса Архангельскалия бувкӀун бия ХӀусайннул – Гарайханнул арсенал дулталгу. Жучанма бувкӀсса оьрус миллатрал вакилтал хъинну рязину лавгунни, жулла тӀабиаьгърая, жулва багъу-бизулия, аьдатирттая, кувннал кувнналалсса арардая хӀайранну.



КӀундивсса Хъурдаккаврил байрандалул ца лишанну хъанакъисса «къяци-барцӀру»



ЯлунчӀин хъарас шунсса Къуру лавсисса аьдат шаллу дуллай



ХъьичӀун ливчуминнан бартри

даву хъуна лавайсса даражалий, цимирагу шинай шаллу дуллай, цӀакъ хъусса аьдатирттайну, сценарийлийну. Шадлугъ-

рал музыкалуцӀун бавхӀумур бутӀа цилла гьурттушиннарайну чӀюлу бувна лакрал балайчи Залиххал. Балайрду увкуна шяр-



Дуккавривугу, спортивугу хъьичӀунсса Мунда Узданов цала буттацал тӀагьирдуцал



Спортрал бьаст-ччаллай хъьичӀун ливчуми

«На – зунтталчур, на – зунттал душра»

Укунсса цанилусса конкурс хъунни МахӀачкъалалив майрал 15-ний шагьрулул Сеузирдал дянив. Ва конкурс цалчинни жучӀара хъусса. Конкурсал сиптачиталну бия МахӀачкъала шагьрулул администрациялул вакилтал.

Бадрижамал АБЛИЕВА

Конкурс сакин хъуну дия личӀи-личӀисса этапирттая. Вайннуин бувну гьурттуцитуран багълай бия конкурсал прогр-



амма самопрезентациялийну тӀитӀин, гихунмай бусан цалва-цалва миллатрал хасшивурттая. «Блиц-опросал» лагурий тӀурча, кутӀасса чӀумул мутталый аьркинну бия Дагъусттаннал халкъуннал аьдатирттаясса суаллахъун шайссаксса чӀярусса жавабру дулун. Гихуннайрив дия творчествалул конкурс, дукра даврилмур бьаст-ччал.

Конкурсал хӀасиллайн бувну цалчинсса кӀану бувгъуна азирбижаннал культура

ккаккан дурсса Автомобильно-дорожный колледжрал командалул, кӀилчинмур кӀану – даргиял миллатралмур культура ккаккан дурсса Медициналул колледжрал (Башларовлул цӀанийсса) командалул, шамилчинмур кӀанугу бувгъуна лакрал миллатрал культура ккаккан дурсса Национальный инновационный колледжрал командалул.

Ххув хъуми лайкъ хъуна шагьрулул администрациялул чулухасса бахшиширтган.

Пресс-конференция

ВацІрацІух цІу лачІун
кЪаритан

Май зурул 17-ний «Дагестанская правда» кказитрал редакциялий хьунни ДР-лул ВацІлул хозяйствалул комитетрал председатель Вагъаб АбдулХамидовлул пресс-конференция.

Имара САИДОВА

Ведомствалул каялувчинал бувсунни вацІри цІу лачІаврия мюхчан баву мурадрай комитетрал дуллалисса давурттай.

КІицІ лавгунни, Дагъусттаннай махъсса 3 шинал лажиндарай 30-нийн бивсса вацІри ччувчуну бивкІшиву. ХІакъинусса кьини Комитетрал хьхьичІ бив-

хъусса агъамсса масъалагу хъанай бур вацІри цІу лачІаврия мюхчан баву.

«ВацІри цІу лачІаврия мюхчан баву мурадрай, мухъирдачІан бияннинсса лагма-ялтгусса кІанттурду ккаккан бувсса кьаралданий бихлай буссар. Му даврийн жу учайссар «минерализованные полосы» куну. ВацІрацІух цІу ларчІсса цІумал, вай поло-

сартгал цайми кІанттурдайн цІу дагъан кЪаритайссар. Гъашинусса шинал пикрилий буру 300 километралул манзилданийхсса минерализованный полосартту биххан», – увкунни Вагъаб АбдулХамидовлул.

Му бакъассагу, кІицІ лавгунни регионалий махъсса шиннардий чІаланну ххуй хьушиву пожарду хьун кЪаритаврил ялул бацІаврил системалул даву.

«Жул пишакартурал ччяччяни дайссар вацІраву пожарду хьун кЪаритаву мурадрайсса ва цІу ларчІун махъ агъалинан тІайлану кьуццу тІун лахъхьин буллалисса мероприятиярду», – увкунни ведомствалул хьунаманал.

Ахирданий, Вагъаб АбдулХамидовлул балжисса жавабру дуллунни журналистурал буллусса суаллахъхьун.

АцІазара инсан
Дагъусттанная хІажлийн

Майрал 15-ний «Дагъусттан» РИА-лул конференцияртту дай мзалдануву республикалул национал политикалул ва диндалул иширтгал министр Энрик Муслимов ва муфтинал хъиривчу МухАммад Мангуев журналисттурашал хьунабавкьунни, гъашинусса хІажлийнсса хІадуршинна ци даражалий най дуссарив бусан, суаллахъхьун жавабру дулун.



Энрик Муслимов ва МухАммад Мангуев

ПатГимат РАМАЗАНОВА

«Жунма кІулсса куццуй, ковидрал пандемиялул пурттуву хІажлийн кьадагъа дуссия, так

ларгсса шинал Саоьдулла Арабусттаннал ихтияр дуллауна ца миллион инсантурал хІажлийн кьамул буван. Аьрасатнал ва тайннал властирдал дурсса икь-

ралданийн бувну, Аьрасатнава 25 азара инсан хІажлийн кьамул уван ккаккан бувссия», – увкунни Э. Муслимовлул. Шиккува дакІнийн бутан, ларгсса шинал Дагъусттанная хІажлийн лавгссия 5800 инсан. Цусса шиндайдихъулий хаджмиссиялул заседаниялий квотарду дарчІуссия, Дагъусттанная 10 азара инсаннансса кІану ккаккан бувссия. Вайннаватугу 1000 инсан хІажлийн гъантІий ур укьва, меценат, сенатор Сулайман Керимовлул путевкартту машан лавсун тІий. КІиттурша инсан Украиннаву аьралий иширттаву жанну дуллусса вирттаврал мачча-гъанминная тІайла уккан тІий бур, ливчІми путевкарттай мизитирттаву кІунурду бувккун гъан буван тІий бур. Муфтинал хъиривчунал бувсунни, МахІачкьалалия тІайланнасса рейсрай хІаж бацІлай бушиву 5500 долларданун, ДубайлийхчІин – 4700 долларданун. Бувсунни квотарду дарчІушиву, утти кІантту бакъашиву. Ларгсса шинал 65 шинал оьрмулува ливчуминнан хІажлийн гъансса кьадагъа диркІун дур, гъашину ва кьадагъагу дакЪар. Роспотребнадзорданул тІалавшиннарайн бувну, вакцинациялул сертификатругу дикІан багълай бур хІажлийн наницириннал. Цалчинсса рейс хьунтІиссар Дагъусттанная июндадул 2-нийн.

Жижара

МИХІРАННУЛ АРС
ЦАЙХАХІМАДОВ
ЗАЙНУТТИН

Вай гъантрай, захІматсса кьашайшивруша ххассал ан кьавхьуну, дунияллия лавгунни агъулданул, жяматрал дянив бусравсса инсан, ххаллилсса чув, ЦайхАхІмадов Зайнуттин МихІраннул арс.

Увну ур Зайнуттин 1971 шинал Ккуллал шяраву МихІраннул ва Самуржигъаннул кулпатраву.

Уттигъанну аьпалухъхьун лавгунни ххаллилсса хьамитайпа, Хьюллал шяравасса

САЙДИЛАВЛ ДУШ
НАПИСАТ
МАХІАММАДОВА.

Даки-аьмал хьинсса, инсаннашал хІал бавкьусса Написат ххирассия гъан-маччанангу, чІаххув-чІараханангу. АрхІал узиминначІагу ва хІурматрай буссия. Написат бия инсаннан цишава шайсса кумаг бан, чІарав бацІан хІадурсса, ка тІиртІусса хьамитайпа.

Ва аьпалул шаврил кьурчІишиву кІидачІлай, жижара буллай буру ласнахъ, оьрчІахъ,

Бархъаллал шяравасса
Маматиевхъал ва Нуруттиновхъал кулпатру

Хьуннасса кьурчІишивугу кІидачІлай, дакІнийхтунусса жижара буллай буру Руслан Башаевлухъ, ванал ссил арс

МАХІАММАД

жуятува батІул шаврийн бувну. Цал бунагьирттал аьпа баннав, рухІ хьинний дишиннав, алжан нясив баннав! Махъминнал оьрмурду лахъи баннав!

Лакрал театрданул коллектив

дурккунни назмурду.

Щуну дацІан дурсса гъайкал дия авурсса, архнирар итгалун дагълагьисса. Ва ххаллилсса даврихлу жяматийсса комиссиялул чулуха МахІаммадлул буллунни Мусил цІуку ва «Дагъусттаннал ЗахІматрал Виричу» тІисса ца.

Курккуллал школалий 10 классгу кьуртал бувну, МахІаммад аьралуннаву кьуллугъ бан лавгун ур.

Занахьуну махъ УзбакІнаву Нукус тІисса шагърулий марцІну хьювардай кьуртал бувну бур Зуботехникалул техникум. Яла увхун ур Душанбеллий Медициналул институтунавун. Му кьуртал бувну махъ цал УзбакІстаннай цала клиникагу тивтІуну, яла МахІачкьалалив зий ивкІун ур. Махъсса 10-нийн лирчусса шиннардий МахІаммад зий ур Норильск шагърулий. Ванал шамагу арсгу кьарччал хІакитгал бур. Норильскалий Сулаймановхъал цивппа заллусса стоматологиялул клиника бур. Вай кІанттул агъулданучІа хІурматрай бур.

Цусса гъайкал дацІан дунни

Ххувшаврил байрандалул гъантрай Чартгал шяраву, чІявусса бусравсса хьамалгу бувкІун, лахъа-хьунну тІиртІунни дяввилиа зана кьавхьуминнал аьпа абад буллалисса лухІисса мармарчарил гъайкал.



МахІаммад Сулайманов

ХьхьичІрамур гъайкал, дух хьуну, лашинсса даражалий дуну, ва цІу дуккан дан цала бакІрайн лавсун бия Норильск шагърулий ялапар хъанакъисса, Чартгал шяравасса Сулайманов МахІаммад Асадуллагълул арснал.

Анриана АБДУЛЛАЕВА

Дакинийн бутан, Бутгал КІанттул цІанийсса Хьунмасса дяввилийн Чартгал шярава лавгун ур 168 инсан, зана кьавхьуну ур 37. Цана тІиртІусса гъайкалданий абад дурну дур 37 кьучагънал ца.

– Пикри бур ялунчІинсса Ххувшаврил байрандалинин, постамент кІирагу чулухуннай лахъи дурну, цинявпагу дяввилийн лавгминнал цардугу чичин, – тІий ур МахІаммад.

Гъайкал тІитІлатІисса мажлисрай МахІаммадлухъ ва шалагу Чартгал жяматрахъ барчаллагъ тІисса ихтилат бунни Лакрал райондалул бакІчинал хъиривчу Абакар Кьюннуевлул.



